

尹文端公詩集

尹文端公詩集卷第三

章佳尹繼善元長

新春

恩賜

御書福字恭紀

春回

異數又頻加

湛露

恩深未有涯
共祝升恒歌

聖世還教福祉遍臣家

雲箋輝映堂中錦

寶翰香濃雨後花夢向

彤墀賡拜手爐烟滿袖出東華

元旦和劉臯聞除日讌集韻

清歌幾曲散芳筵淑氣新迎戩穀駢過去韶華休戀戀
春光喜到老梅邊

漫聽爆竹起鄉思好對寒燈酒滿卮
餞歲分明昨夜裏
吟來已是隔年詩

和賽墨林見寄

聯床風雨共雞晨
桂苑分攜香滿身
一自東西星散後
與君俱是白頭人

房山陋巷近霜晨
高卧誰憐病裏身
枉向塵寰爭冷暖
銜杯且作酒中人

丁卯春許孝張見過賦贈

樹繞村前水繞除
衡門樂事近何如
春深可載尋花酒
老去應多挿架書
以永今朝還繫馬
漫歌長缺為無魚
燕山消息傳來好
早慰斜陽望眼舒

又拈家字韻賦贈孝張

湖光萬頃綠無涯
話到山居興倍加
自昔風流推幕府
於今况味似田家
邛環嫩綠千章柳
雨裏清芬各樣花
怪底鄉心留不住
知君近已厭繁華

贈別孝張用上元讌集韻

積雪明殘夜
華燈照綺筵
離情同脉脉
白髮自年年
雲樹添新夢
歌吟續舊編
臨行無所贈
醉墨洒長箋

送君南浦外
何以慰離懷
折柳傷春色
臨風倒綠醅
似

村遠記憶

署中舊有小樹舊栽培
兒子輩昔曾從學

亦有林園

意扁舟可再來

高東軒奉

使勘災過蘇用題不繫舟韻賦贈

廿載猶思清德堂節麾重過小滄浪人歌蔽芾棠陰滿

霖雨今看澤更長

東軒詩有廿年前集小滄浪之句

潞墅山塘記泛舟昔年烟雨幾同遊拯災萬里煩

天使野老銜

恩涕泗流

月滿清淮景物佳曾登畫舫寫情懷誰知不繫蓬還轉

却向吳門訪舊齋

南國句宣責匪輕海邊鴻雁總關情
殊光依舊西山好
玩賞無心戴月行

丁卯冬自金陵入

觀同事繪圖賦詩祖道浦口途中和江寧宰袁子才韻
一片輕帆挂曉風長江渡後近殘冬
沙寒遠渚鴻聲苦
樹暗前村雨意濃
流水無心何繫戀
瞻

天有日敢從容
金臺北望頻翹首
尚似雲山隔萬重
盡日衝泥又陟坡
過來雪鬢半婆婆
詩吟南浦離情遠

圖繪長林別緒多
祖餞人皆新伴侶
馳驅路是舊關河
征衣雖敝

恩猶在十六年前
賜綺羅

時著雍正壬子年
御賜衣

崎嶇小徑入雲斜
驚馬遲迴願豈賒
千里關心中澤雁
五更歸夢故園花
長橋峻嶺踪難定
野菽村醪味亦嘉
那得風塵機暫息
幾番回首感韶華

頻年海上飽風塵
力竭難蘇蔀屋貧
衽席未登慚小補
蒼生有命托何人
輕寒佇望飄新雪
長養還須待好春
好趁明時各努力
林泉漫道可棲身

素令有
乞歸詩

環滁景物昔曾探又過城隅小駐驂一水滌洄分左右
諸峯深秀指西南山邊驛路來還去馬上閒情苦亦甘
記得陽春登曉日天桃灼灼柳毵毵
石城五載總相依別後魂隨落葉飛僚友共嗟分手去
親朋應笑白頭歸寒梅慙落花落將老遠岫微茫影漸稀
欲寄新詩何處所荒村古渡對斜暉

途中和劉臯聞贈別韻

竹牕近傍小山邊日聽書聲又幾年短榻聯吟寒雨夜
西園判袂曉霜天人銜落葉催行馬柳枕長堤拂去鞭

何處思君勞遠望荒村夕照戍樓前

朝天念切敢逡巡廿載韶光白髮新荆口停驂尋古寺
韓莊待渡悵迷津每酬別句情懷遠恍對幽窓笑語親
旬日纔過鄒魯地西風滿地是黃塵

也知柳眼無消息耳喜晴和似早春只有痾瘵登奏草
愧無啓沃答

楓宸肩輿夢覺閒敲句旅館更殘懶泛樽時見哀鴻心
惻惻關情何必定吳民

東山霽色曉來清不盡峯巒到眼明翠柏經霜枝益老

平田少雪麥遲生渠穿古道隨高下石咽寒流似送迎
客裏風光聊記取好歌短句寄江城

入

覲紀

恩兼別都門親友用前韻

太液波澄拂曉風瀛臺

召對正殘冬山龍日近香煙繞殿閣春回瑞靄濃萬里
民艱煩

顧問三年臣罪荷優容玻璃一片冰牀穩飛渡仙洲路

幾重

暫許搥衣陟鳳坡
盤髮白髮影婆娑
尋思往事情偏遠
感拜新

恩淚受多花氣遙
連溫室樹車聲近傍

御園河數行

寶翰雲中下共覩

天章染碧羅

蒙詩

賜御

朝回落日拂衣塵
舊室依然便不貧
僮僕趨門迎倦馬
兒孫繞膝慰勞人
幽齋未改當年徑
綠柳仍留小院春

戚友多情頻過訪問余何日是閒身

闌干曲曲抱林斜蓬島三峰入望賒

上元日

賜宴

御泚

氣初含西苑柳和風早放碧桃花燈明彩袖歌還舞酒
滿金罍旨且嘉二十人中陪宴賞不禁回首感韶華

名園幽勝未曾探負郭池亭小駐驂

時訪德寄齋哈景端鄂林如

綠

醕黃柑酬令節虹橋落月話江南三爰別緒同悲嘯甘

載塵緣各苦甘停看春明門外路征軺逐逐柳毵毵

親朋牽袂總依依不盡黃沙撲面飛別淚幾行隨雁落

青山一路看春歸村明戍火雞聲早岸隱漁燈樹影稀

何處相思勞遠目亂峯高下對斜暉

恭和

御賜回江南總督任詩元韻

一德慶明良宣猷資俊彥學識重老成非徒才幹練幸
際太平時九州卜永奠每聞

帝作歌颺言復敬羨洋洋愷澤敷藹藹仁風扇保赤切
如傷日中食難嚙民物樂雍熙河海呈清晏率作戎無
荒明新期至善稽首聆

訓辭如良葯瞑眩

和納遜修見贈韻

說到遼陽事平生久不忘錦川遙入夢鍾阜近相望風
雨衝泥過詩文剪燭商幾回得聚首聊共一飛觴
直諒兼風雅誰云似楚傖鳶魚同樂意身世薄浮名翠
柏堪為侶緋桃自向榮高歌引興遠勝比泛瑤觥

高東軒東省查災甫竣又奉

命來南勘河余於病中寄懷即用東軒舊韻

年來轍跡遍東南卽雨歌傳信不慚山左茅簷如望歲
沐陽古渡又回驂秋深澤畔鴻皆集路滿棠陰樹亦甘

那得揚帆登畫舫清波皓月夜深談

流水行雲不染塵先憂後樂總忘身廿年豈易成知己
千里還應似比鄰望月定多懷友句隨風誰是繫舟人
料公此日蓬窓枕夢裏猶思海上民

咏一房山

有序

余於西安使署中疊石成山東西聳峙髣髴太華終南
逼臨檻外惟時海棠盛放紅杏碧桃映帶左右公餘修
札招諸友人有不及時來遊則芳菲零落無計留春之
語而陳君光岳復書則云客子情懷往往傷春傷別芳

菲觸目不如零落為佳蓋有異鄉之感也余謂古人以
天地為逆旅以光陰為過客浮生若夢誰非客者余自
宦遊四方二十餘年屈指先後家居不及三載又誰是
主人耶即茲山之兀起繁花之艷開亦寓形耳有何沾
滯于胸臆乃相與歡然畢至俯仰兩山上下更趨斜陽
登危閣繞廊而返俞君樹堂成紀遊詩四章依韻答和
以紀其事

和風細拂一園春景象何從問假真嫩柳垂時方旖旎
蒼松老去亦精神窗臨怪石層層見砌繞清池面面新

獨有名花移太早，包含生意未全伸。

擬肖終南未足奇，勢分高下自逶迤。韶光日煖欣同賞，
積累功難頗自知。草帶幽香餘舊種，樹沾好雨發新枝。
危欄屈曲前谿杳，似轉山村路又岐。

勞心無日不乾乾，幾得閒行小院邊。是處岡巒都北向，
數椽亭榭却西偏。杏林隱約花千朶，仙掌分明石一拳。
笑看營巢雙燕子，銜泥來去影聯翩。

登臨緩步趣斜暉，處處相攜對郁薜。為掃殘紅移坐榻，
還邀素月捲書幃。新詩句滿遊人口，綠酒痕添客子衣。

異地風光堪玩賞漫教魂夢向南飛

余和春日紀遊詩有綠酒痕添客子衣之句友人
戲云此句未真蓋欲索酒也聞前夜郡賢小集暢
飲高歌余以案牘勞形未與佳會擬趣芳菲未謝
置酒花間同作竟日之遊可咏送春之句漫酬原
韻並柬同人

聞向窓前夜泛尊興來得句倍清真風狂漫惜花將老
雨過應看月又新掃徑相招還有約留春不去是何人
若無好景供揮洒那得詩情妙入神

宵來誰共倒清尊
醒後翻疑幻未真
過客光陰隨處換
芳時景物幾回新
能言鳥亦知呼友
不醉花應解笑人
好向山邊重鼓興
休因骨瘦減風神

時陳光岳
病初愈

牡丹時節再移尊
寓目還須認假真
草亦無情春色晚
鄉關有夢淚痕新
行踪自昔如飄梗
勝地誰常作主人
欲更分題歌一曲
斜陽滿樹易傷神

礪樓對月舉匏尊
雪嶺桃關記得真
瘴霧飛時曾覓句
蠻歌唱處亦生新
千山遍歷疑前夢
萬里同遊感故人

此日消閒頻把酒
可還回首一傷神

俞樹堂曾
同往金川

題褚家園

有序

庚午三月風雨既調麥苗滋長因偕諸同事巡行郊外
勸課農桑過興善寺歷曲江小憇褚氏園林主人霞瞻
雅耽吟咏樂志泉石高尚士也時山亭初成牡丹盛開
緋桃未謝青松翠石羅列窓前頗有清幽之趣相與登
眺久之興闌而返歸途亂峰夕照馬首塵飛回望園亭
又不知明日誰為過客率用壁間原韻疊咏三章
地隔塵囂十里餘結茅面面近田廬芒鞋竹杖時攜友
塔影松聲伴讀書野外風光偏澹遠閒中步履亦寬舒

由來泉石饒幽賞，花落花開總自如。

北窓嘯傲廿年餘，柳帶村園竹繞廬。
綠麥高低千頃浪，飛鴻來去幾行書。
依山怪石憑巖險，出岫浮雲任卷舒。
此日杯殘人散後，斜陽景色更何如。

宦海游踪午夢餘，門環錦水憶吾廬。
何人隨遇成邱壑，緊我勞形只簿書。
勸課無閒聊小憇，登臨有興未全舒。
山房也寓園林意，半榻清風遠不如。

署中有齋曰一房山

盆中疊石成山名曰小瀛洲漫題四首

卷石為山積累難，當窓頓見碧峯寒。
誰知尺寸如千里，

蓬島瀛洲一樣看

眼底終南欲到難
夕陽翹首暮雲寒
自從一簣功成後
屋裏層巒日日看

秦隴多山得水難
盈盈獨漾綠波寒
閒時坐愛臨流咏
苒蒨游鱗取次看

自古人稱蜀道難
崎嶇拍馬記衝寒
箇中也有金川意
瘴嶺危橋仔細看

和前樹堂題小瀛洲韻

涉峻三峰削不成
雨餘巖畔野風清
居然海上瀛洲路

二十年前憶舊行

翰林院有瀛洲亭

樵徑漁磯別有天一回玩賞一悠然移來更向燈前看
幻境迷離隱暮烟

華嶽終南早擅名

前曾疊石為山取象終南華嶽

輸他四面水盈盈游

魚不識江湖遠也自隨波逐落英

山北山南曲曲通天然巖壑盡靈空更尋古洞幽深處
應長虬松與箐龍

璫瓏體勢一拳餘盡道清幽畫不如叅徹須彌同芥子
人間色相總成虛

舟名不繫一帆輕

江寧署內有短棹蓬窓記不明真假齊名不繫舟

誰能窺至理合從遊戲悟浮生

逶迤山勢斷能連暫喜相陪硯沼邊他日歸田還有約

漁竿親上釣江船

無限烟波入望遙飛塵不到隔煩囂月明庭畔風清後
消受詩人酒一瓢

和主試李公見贈

鳳池推雅望握手意纏綿宗匠承家學薪傳訖遠襟
懷秋月朗襟鑑寸心虔樽酒論文夜清風一洒然

小徑容鳴佩幽芳喜共探風光疑野外巖壑似江南木
落枝先冷菊開蕊半含谿間無勺水笑憶百花潭
星軺來遠塞勝地紀三秦斷裂碑仍在傳聞蹟未真塔
喧新燕鵲塚卧舊麒麟莫倦登臨興長歌酒數巡
正值秋殘日行旌返冀州臨歧還贈別即景亦題留繡
嶺遊應遍蓮峰願未酬夕陽黃葉路回首灞橋不

和主試湯公見贈

當窓怪石勢嶙峋引得詩情妙入神秦嶺終南都是幻
須彌芥子豈為真樽開巖畔風生座雲散峰頭月照人

欲永今朝遠繫馬一房山外句重新
憑空結構擬林巒短榻同移仔細看紅葉參差三徑繞
翠微高下亂峰攢花留殘菊初經眼宴補重陽倩整冠
此去秋風山路好扶筇登眺莫辭難

錦江城外有安素園容齋岳公林下舊居也暮春
見招遊覽竟日心神俱爽惟回望田園不覺有故
山之感賦詩奉贈

浣花溪外好林泉夢裡神遊已十年此日偷閒一相訪
和風恰是暮春天

垂鞭去去小橋西
麥浪翻風穗未齊
行近山房還隔水
數聲鳥弄綠楊低

荊籬茅舍列西東
一派清流曲曲通
不厭閒雲遮遠目
亂峯隱約夕陽中

無數琅玕護草堂
翠沾雨露拂天長
枝枝已到凌雲處
綠筍還看徧野塘

誰種名花色倍新
殘紅半謝尚留春
早知連夜多風雨
何必尋芳待主人

盡道園梅已過時
寒霜歷盡發新枝
牡丹臺畔遊人滿

別有孤花索笑遲

園中有梅一株

迴廊曲徑足遨遊
又許同登一葉舟
路轉東南迷舊浦
隨風吹過白沙洲

點點柴門指舊居
松蘿拋棄幾年餘
元戎小隊來郊外
可似扶筇意自如

林巒結構自天然
好寄閒情向水邊
十里紅塵人散後
荻蘆猶憶釣江船

白雲山外小山莊
碧水環階憶錦鄉
兼殺旌麾依故里
慙余三徑已全荒

余家錦川亦有田園數畝今已荒廢

重遊安素園

自別林園後勞形日簿書何期尋舊路又喜到達廬共
醉卽筒酒還烹丙穴魚遲歸原有意為戀水雲居

翠竹微風過空亭日影移耘田忙野老結網戲村兒池
泛紅蓮水筵開綠草陂幽芳探不足幾次繞疎籬

暫覺囂塵遠偏餘野興長白波催酒令活水試茶槍地

僻親魚鳥林稀見稻梁西鄰有白首高枕卧羲皇

鄰村有容

齋林下
時老友

澍雨初晴日微涼滿院時江花聯舊句池藕入新詩鼓

棹身如使臨流鬢有絲重來難預卜漫與白雲期

歸途即事疊前韻

濯錦江頭路閒情取次書清流環古寺曲港隱茅廬犬
吠舟回浦人喧網得魚停鞭凝望處最好是村居

記得出郊日風光轉眼移農忙呼亞旅麥熟飽妻兒蓄
水還修堰薈茶更築陂勤勞猶未已日暮竹編籬

玉壘西南望川原入目長峯頭銷戍火天外靖欃櫓犁
犢耕新雨輪車碾白梁太平皆化日何必憶東皇
斜照歸鞭影清風拂袖時重吟別友句還咏課農詩有

志紆籌策無才愧繭絲君平今已杳何處問行期

留別容齋再疊前韻

草閣無長物惟餘滿架書論文懷舊雨展卷愛吾廬花
發堪攜酒江清足釣魚蒼生還繫望漫擬賦閒居

酬唱無多日行旌我又移吟殘江上月曲笈郢中兒驛
路雲為棧梯田石作陂山房留句處臨水插荆籬

容齋題棧

道有人家臨水
插荆籬之句

臨歧頻握手話別意偏長虎帳降金甲威名勝鉄槍三
年添白髮一枕笑黃梁莫戀璜溪釣同心佐

聖皇

勞勞亭外客誰是少年時稠疊離筵酒殷勤祖道詩烟
花城似錦楊柳雨如絲去路頻回首相思無盡期

臨別錦江三疊前韻

宦味千山景行裝兩篋書有情懷古跡無句別遽廬雲
起還隨馬江深不羨魚斜陽何處宿多傍野人居
自笑踈狂態生平未改移青牛思老子竹馬羨童兒夢
繞花潭雨神留錦水陂逢場耽嘯咏不敢憶東籬
攬轡徘徊處牽人意思長每過殘陣壘如見古旗槍野

鳥疑矰繳羣鴉競稻梁周行原示我何事復皇皇
雨歇涼風起飄然我去時平林堪放眼絕壁好題詩惜
別添新淚籌邊理舊絲家山仍萬里誰記是歸期
將返長安留別容齋仍用暮春遊安素園韻

蜀山一路響飛泉此際風光異去年獨有河橋難作別
停杯惆悵晚江天

嘉陵迤北劍門西雨洒秧針綠正齊觸景興懷應駐馬
錦城回首暮雲低

萍踪無定任西東千里心情自可通別後定添懷友句

亂山吟可鳥聲中

攬轡曾同過草堂和風細雨引杯長
重遊有負看花約
空想芙蓉放滿塘

曲徑花開滿院新看花猶記惜殘春
明年再向花間立
可折花枝憶故人

疎狂不似少年時未敢逢人唱竹枝
此日離筵須盡醉
長歌幾曲去遲遲

江湖萬里憶前遊笑我真同不繫舟
一自名園登眺後
夢魂猶戀小汀洲

蓬蒿滿目似村居古署盤桓半載餘
鵲噪空庭人去後閒花開謝復何如

瘴雨蠻烟意黯然蕭蕭白髮愧籌邊
從今夢斷蠻叢路千佛崖頭喚渡船

臨洮水畔有山莊漫認西川作故鄉
陝西臨洮為容齋故里青海

玉門遺舊壘盼將威德播遐荒

和容齋送別韻

退食亭前綺席張

署內有亭曰退食花香

相看白髮老汾陽殷勤

惜別頻吐酒夏木陰陰綠滿堂

同心多少瓊瑤贈愧我相投只木瓜更有一番留客意
欲催池藕早開花

池蓮將開仍擬
踐看花之約

相逢何必問行期自古消魂是別時萬里橋西天外望
一輪明月照相思

老來佳興許平分尤愛新詩迥出羣他日吟哦何處所
終南落日蜀江雲

久客錦江行期無定容齋贈詩云難遣歸思繫艾
人余笑而無以應因憶容齋新納二姬畫錦堂前
花明翠繞仍用誌別原韵漫贈數章

枝枝樹影各分張
杜宇聲中悵夕陽
那比林園花似錦
新紅嫩綠映深堂

青門望斷無消息
繫我渾如一繫瓜
每對芳菲開笑口
一株老樹雜桃花

牡丹開罷盼歸期又到芙蓉欲放時不是幽歌消夜永
寂寥何計慰離思

領取春光又幾分
應憐濃豔更空羣
邇來步履蹣跚處
不在朝雲即暮雲

賦節邪筠亭觀察兼以誌別

相逢莫厭酒如泉一別光陰已八年記得昭陽湖水畔

停舟夜坐雨連天

甲子歲在昭陽湖舟中話別

年來宦跡各西東異地情懷夢裡通終到西川重握手
又添別緒夕陽中

回首燕臺月落時無端挫折憶同枝停杯說到當年事

冷雨淒風入夜遲

余繼室係筠亭堂妹悼亡已十二年

江干又見草連空物換星移一瞬中上苑爭春曾幾日

笑予已作白頭翁

許從暇日一登堂叙舊偏能引興長繞郭湖山如畫裏

坐聽名勝話錢塘

飛來峰外冷泉西
綠柳紅桃夾岸齊
巴蜀風光相似否
蠻山萬點瘴雲低

浣花溪上我曾遊
古樹陰濃繫釣舟
遣興應尋錦水去
留題半在白蘋洲

唱到陽關意惘然
長安遙望白雲邊
飛仙閣下江流穩
一棹西風送客船

沔縣武侯祠和韻

錦江曾記訪忠祠
沔水重過夜半時
最厭浮雲昏落月

偏憎惡竹隱巢鷗石琴餘韻堪懷古破廟焚香尚祝尸
欲去低徊天未曉再歌長句寫愁思

岐山武侯祠仍用前韻

又向山頭覓古祠綸巾想見駐軍時荒城草腐飛螢火
冷雨更深咽亂鷗五丈秋原思隕涕千年戰壘憶橫尸
老臣何計酬先主過客停鞭仔細思

和岳容齋雲棧感懷

雨後添衣尚覺單薰風六月似春寒峯高霧自連天白
木老花尤向日丹好景偏依雲棧陰世途寧止蜀山難

停車住近清溪口一枕濤聲送月殘

見野老有感和壁間容齋韻

野老何知路險巇結茅為屋竹編籬
高田徧插無餘事晚麥才收更樂饑
隔岸漁舟沽酒處衝泥行客問津時
紛紛車馬憑來往只倚柴門不遠離

寄懷容齋即用前韻

曉月登程顧影單尋芳記共趣輕寒
溪邊人醉歌楊柳野外春深看牡丹
十畝林園佳會杳連朝風雨遠行難
思君何處堪消遣旅館留題墨未殘

步步穿雲入險巖閒情猶憶錦江籬夢回轉眼都成幻
道遠加餐亦似饑古佛懸崖停渡後飛仙小閣納涼時
誰言野鳥嚶鳴好慣惹行人悵別離

鳳嶺道中仍用前韻

老來只覺怯衣單近水偏教夏月寒世上無方醫白髮
洞中何處覓仙丹

嶺上有洞傳為張仙煉丹處

時逢細雨行彌苦路

到青天步轉難古柏蒼松看不了眼前又見野花殘

驛路何從避險巖時由曲徑繞疏籬也知梅子能消渴
偶嚼松花亦耐饑密雨斜風催馬處輕帆落日渡江時

溪山到處添吟咏一卷殘篇手未離

尹文端公詩集卷第四

章佳尹繼善元鼎

辛未七月調任兩江自西安入

覲

特賜黃褂在

御前行走時

駕幸熱河恭送至南石槽紀

恩十章

三度承

恩蒞兩江相期民俗返敦龐方當

鑾輅南巡後宵旰殷念此邦

敢說風光是舊諳傳聞米粟貴東南邇來民食須經畫
天語叮嚀至再三

名對從容繞畫欄新秣佳氣露初乾日中退食慚無補
珍味頻頒紫玉盤

講案曾經侍

玉皇衣冠猶記惹天香而今拜

賜承新寵章服爭看映日黃

豹尾風飄拂細塵秋光秋景一時新却慚奔走天涯遍
捧日還教作近臣

田間婦子各恬熙頗似豳風七月詩到處秋成
天語問艱難稼穡是先知

參差燕屋映垂楊雨歇農家正築場欲識

聖人心喜處村村玉粒徧倉箱

草野咸歌

帝德寬後先簇簇擁金鞍烟蓑雨笠無迴避扶杖都容
載道看

百步穿楊矢不空

君王親自挽彫弓老臣何幸隨班射也在

龍顏顧盼中

長途揮汗染征衣

帳殿辭行對夕暉犬馬情殷猶戀

主夢魂時傍

屬車飛

過清江浦贈高東軒

萍踪無定喜重逢恰是天高雁影中舊有童顏原未改

新添白髮可相同馬遲驛路三秋雨棹穩平波一夜風
此日西園菊正好籬邊莫放酒杯空

驪歌記對晚江清別後驅馳萬里程事隔三年常入夢
人分兩地尚關情蜀山日落愁猿嘯秦棧陰深聽鳥鳴
淮上有詩應憶我幾回惆悵暮雲橫

天南溽暑北風寒廿載光陰屈指彈荷院松房曾共賞
黃花落葉又同看交忘形迹心彌久路近江湖老益難
無限情懷夕照裏亭亭畔倚闌干

笑我真同不繫舟憑風飄泊續前遊東南屢至空持節

星物潛移易感秋舊夢已隨流水去輕帆又向大江浮

當年畫舫依然否好趁清光一唱酬

東軒所乘小舟曰詩畫舫

和舒大司馬見贈兼以送別

曾陪曳履參黃閣又賦從征到錦江
灌口桃關經歷處夕陽斜照影雙雙

蠶叢鳥道入苗疆萬里風烟夢未忘
可記夜深迷去路亂山橫處一天霜

蕭蕭兩鬢漸成絲行路深慚老馬遲
縱得偷閒能幾許焚香還讀故人詩

驪歌緩唱石城邊
愁送征鞍帶雪還
後會何時難預卜
寒宵一刻且盤旋

和舒大司馬赴浙前一日同遊後湖留別韻兼以寄懷

驪歌幾曲又相接
執手江干動遠愁
別後思君偏夜永
自吟長句數更籌

平湖一帶碧雲長
二水三山望渺茫
記得虹橋夕照裏
馬蹄踏雪繞村牆

年來心跡喜雙清
笑語常過月二更
綠酒一尊人去遠

江山滿眼是離情

愛我還留去後詞
寸心千里更相期
東南屢至霜侵鬢
却愧無能作繭絲

疊前韻

只有溪山氣味投
公餘眺覽足消愁
一灣西子湖邊水
可比秦淮勝幾籌

多少新歌句短長
六橋烟水正蒼茫
旌旗若向孤山過
梅蕊枝枝半出牆

春光欲到野風清
日月駸駸又幾更
醉後伊誰同策馬

暮雲應有故人情

惜別殷勤復致詞
浮生聚散總難期
皇華不是君來往
南國何人理亂絲

疊韻寄懷

愧我瓜桃也未接
瓊瑤屢贈破閒愁
枯枝那得棲雛鳳
凡鳥應還遜一籌

原唱有雛鳳聲清
上翰詞句慚謝之

每唱新歌入夜長
幾番回首事茫茫
更闌燭灺懷人處
竹影橫窓月過牆

老去寒梅香益清
橫枝帶雪耐深更
西園開遍誰同賞

索笑巡檐日日情

千里休忘贈別詞
宵來有夢盼歸期
故園親友如相問
兩鬢新添鏡裡絲

和留松喬少宰贈別韻

有序

留松喬少宰居京師厚載門有園數畝雜花幽草紛然
滿徑西偏小樓數楹可以眺西山望蓮池勝境清絕遊
者不知其在城市也予初與松喬同官京師朝夕過從
相與挹芳翠窮遠目相得甚歡及余持節外行奔走於
江淮滇黔秦蜀者二十餘載每念平生舊遊杳不可再

而松喬萬里寄詩每道其園中景況如元微之以州宅
誇於樂天益令人繫懷不置辛未年七月予再奉兩江
之

命入京師過訪松喬已閒居三年聞予至竹杖出迎攜
手登樓秋雨初晴西山氣爽荷香入戶樹影橫波感時
序之屢更喜雲物之無恙撫今追昔有低徊不能自己
者松喬話舊情殷欲招二三知己開樽共酌而僕夫命
駕不能少留松喬執手依依賦詩贈別余亦未及和也
到江南後百務叢積兩眼塵昏回憶樓中之景與樓中

之人覺巒光水色琴匣爐香猶時時入夢因命善畫者
繪為一圖寄贈松喬嗟乎人生聚散渺若浮雲松喬官
至少宰領袖清華事業文章在人耳目今退老林下家
近

太液池邊春花秋月更得山水之樂以養其性情閉門
靜處耳不聞車馬喧闐之聲抱子弄孫而外時或攜杖
而遊歌枕而卧此小樓中之真趣為何如者余則南北
驅馳風塵鞅掌形神交瘁鬢髮已蒼茲復駐節金陵雖
秦淮鍾阜六朝之風物依然而終日勞忙無暇眺覽回

首燕雲故山在望何時暫息塵緣復踐登樓之約與松
齋把酒聯吟同為畫中人乎因於圖後和韵以寫離思
芟荷深處自忘憂萬頃湖光與目謀興至何人同嘯咏
年來有夢到邊郵逢君正值新秋雨訪舊還登夕照樓
可奈征塵催去馬論文把酒悵無由

閒居何慮復何憂避得塵囂是善謀仙境難摹遲畫本
新詩有約寄山郵窻臨碧水涼侵榻戶對遙峯翠滿樓
千里情懷能識否輸君物外自由由

和富都統夜寒獨酌感懷

幽齋寂寂雪窓清時聳吟肩對短檠梅影踈斜殘月冷
雁聲嘹唳斷烟橫能詩寧止推嚴武愛酒還應笑步兵
聽說白雲親舍遠不緣客况動閒情

柝聲斷續夜淒清獨伴長宵二尺檠落盡燈花鄉信杳
消殘爐火篆烟橫衾寒未許尋春夢酒醉何妨喚老兵
賴有知心堪唱和吟來好句最移情

和富都統見贈

石城握手便相親喜結新交似故人綠酒共消迎臘雪
寒梅又看渡江春木瓜持贈惟慚少好句酬歌莫厭頻

緩帶風流儒將事更從何處覓知津

贈錫將軍仍用前韻

知交老去更情親形迹相忘有幾人
廿載傾心逢舊雨三秋轉眼近新春
開樽較射穿楊慣踏雪看山並馬頻
誰道將軍只好武論文剪燭話津津

新春過訪富將軍賦贈

地僻從無車馬喧每逢客至一開門
只因道合頻攜手更為心知許放言問
渡空慚迷畔岸觀瀾何自溯淵源
堦前梅蕊將舒豔喜坐春和向日暄

卷四
錫將軍富都統見過仍用前韻

檻外時聞鳥鵲喧客來特為掃重門園亭散步添吟咏
射圃開樽共笑言樹暖先知花有信池乾應歎水無源
遙峯積雪纔消盡喜坐春風又負暄

上元日宴集西園雪中較射

池臺一望霧烟籠小集西園喜又同把盞恰宜飛雪裏
穿楊疑在落花中還登畫舫移前席為盼寒梅坐晚風
令節幾回開笑口歸鞍莫厭醉顏紅

每到芳時興會新况逢白雪更怡神風吹酒力難成醉

箭落瑤堦不染塵却喜清閒剛半日翻嫌笑語只三人
是日祁都統未到何須皓月隨歸騎自有燈明一路春

和富將軍謝梨韻

本是恒陽種南來更有香仙梨原尚紫

老子西遊見霜玉母食紫梨

橘漫誇黃玉液能消渴冰心不厭涼贈君無別意獻歲
作柑漿

和雅撫軍舟次寄懷韻

聞君風雨夜兼程滿目雲山動舊情却為蒼生頻額手
不因節鉞羨殊榮

寺外峰巒接遠天竹爐僧舍尚依然輕帆又向山前過

可暇重題第二泉

前在江南有遊惠泉詩

年來吟咏興偏酣保障無能我亦慚賴有鄰光堪借照
從今翹首望東南

鴻爪池邊跡尚存銜杯記對遠山痕

三年前共飲於望山亭有詩留別

西湖堤畔如相憶應有新詩寄白門

新春雨雪兼旬望晴湧賦

麥隴青蔥入望新老梅帶濕減精神初來原是雲成雨
落久翻疑玉作塵瑞應已占豐稔歲初寒又有怨咨人

只期日暖饒生意不為晴光愛早春

望晴又咏

寒窓日日傍熏籠南國春光亦不同野鳥愛藏深樹裡
好花半在濕泥中如絲已遍千門柳似絮還飛五夜風
來去陰雲渾不定何時得見夕陽紅

雨後同莊容可中丞不繫舟小集用見贈韻

白髮飄蕭愧此身自知老更弗如人孤舟不繫頻移棹
舊友重逢一爽神恰值春風消積雪旋看暮雨散高旻
寒梅綠竹同滋長信是無私大化均

香煙早傍

御爐趨此日聲聞遍九衢南國福星名不忝朝陽鳴鳳

語非誣

中丞殿試對策有不為立仗之馬而為迴翔朝陽之鳳句一時傳誦今果行如其言

倦鳥還呼侶俯仰蘧廬亦愛吾雨後園亭同步履仙居

可憶舊蓬壺

次雙旭園學使見贈韻兼以送別

蘭臺聲望重江東瑩澈冰壺在寸衷桃李遍沾時雨潤
菁莪仰贊作人功玉皇案吏香仍在國子先生秩更崇
我亦育才慚有分相期夙夜凜公忠

鷄鳴猶記早朝

天聯步曾看北斗懸
宦轍各隨雲自遠
交情原與漆同堅
鏡添白髮名心懶
地近青山逸興偏
別有傷懷還脉脉
瑤琴聲斷女蘿絃

已未歲同
時斷絃

多年相憶難相見
只藉鱗鴻問訊勤
秋水蒹葭空入夢
鞭絲馬影每離羣
別來獨玩秦關月
再到同看鍾阜雲
笑把一尊溪樹裏
嚶嚶鳥語正紛紜

慰我三秋落月思
西牕剪燭誦新詩
攜登畫舫歌還續
看到梅花醉莫辭
暮雨掛帆人去日
輕風折柳燕來時

連宵正漲長江水可許歸程再少遲

和雙旭園登不繫舟留別韻

半畝方塘喜暫依小舟橫處近魚磯寒梅似雪當筵落
翠竹如屏傍水圍春去春來皆過客人歌人醉且忘機
談心幾日還分手惆悵無言對夕暉

騶從重過不厭頻天涯舉目更誰親萍踪每嘆多年隔
花朵能看幾次新聊藉飛觴留去馬難將折柳送征塵
知君此後相思夢定在亭西綠水津

疊前韻

曲曲闌干兩岸依客來同上舊苔磯池添綠水纔三尺
手種垂楊已十圍似到江村饒野趣還登草閣息塵機
他時重訪西園路記得招攜步落暉

小院春深細雨頻靜觀魚鳥各相親窓前綠笋穿階長
戶外青山到眼新三徑同君耽嘯咏廿年笑我飽風塵
迷途幾次難回首寶筏何由望渡津

雨後同雙旭園望山處小集湯成二首

風流喜伴玉堂仙綠醕盈卮次第傳草榭疎籬環射圃
清池小艇入詩篇筵開幕雨初晴後人醉紅梅未落前

眼底春光無限好漫追往事說髫年

李郭同舟望若仙西園雅會倩誰傳
歸帆阻雨遲三日別酒催詩咏百篇
喜得青山來屋裏羞將白髮坐花前
欲圖此地重攜手遙指明秋尚隔年

江干送別仍用前韻

昨宵花下集羣仙詩帶梅香衆口傳
留客無方還望雨送君有句未成篇
馬嘶去路江村外水咽離聲館驛前
却歎秦淮橋畔柳任人攀折自年年

過清流關望瑯琊山用少司馬裘叔度韻

清流何處是長吟度古關昔年征戰地只聞鳥雀喧小
憇坐濃陰遙望琅琊山探幽豈無意忙中那可論停驂
問野老勝蹟猶能言此去六七里步步凌雲烟雖云林
壑美險處難躋攀怪石多青翠蒼松蔭綠斑到處有流
水屈曲環烟村山翁與田叟扶杖弄兒孫路似桃源路
人皆耕鑿人我聞野老語魂夢到其間馬首逐征塵焉
能片刻閒悵望白雲外空有好林園春日不可留春風
吹客顏極目送歸鴻去去影翩翻

道經滁州和叔度欲訪醉翁亭不果韻兼勸歸途

往遊

滁山我舊遊彷彿猶能記翠石瀉流泉蔓草埋碑誌因
念醉翁亭命名有深意未知同樂心難學太守醉山間
與水間曠懷聊以寄春光今古同行雲朝暮異亭外往
來人多半風塵吏勞勞馬不停誰摹石上字

林壑指西南勝蹟憑誰記讀君道上詩如見滁山誌此
地復經過登臨豈無意亭前花正開花下應一醉緬想
古之人悠然足高寄野水自潺湲名山何奇異停驂恣
幽賞好偕香案吏

時與邵夢村
太史同行

亂峯夕照中長吟幾百

字

臨別時留不繫舟圖索叔度題句途中仍用前韻
再成二首聊致以舟名齋之意兼以寄懷

我有不繫舟且有舟中記以息復以遊自題還自誌動
定本無心去來寧有意銜杯亦看花却不為花醉興至
自高歌閒情偶托寄景物時變遷魚鳥任同異敢擬畫
舫齋不似漆園吏蓬牕雁影過幾點青天宇

廿載隔蓬瀛仙洲杳難記新闢小壺天倩誰為作誌古
水映清波箇中原有意匆匆悵別離未共舟邊醉思君

空夢想得句頻頻寄逸興喜相同高才兼獨異秦淮夜
月明還應念勞吏披圖筆正酣留題數行字

和高東軒新春七十自勵之作即以寄祝

天高嶽峻始生申淑氣常回泰谷春身傍

九霄還視履

原唱有視履句

心通萬象總依仁舉觴載詠思親

句扶杖仍為好學人難老精神加愛惜望霖多少海隅
民

水月松梅並竹枝五清圖畫托深思迴瀾共倚抒三策
對影頻題凜四知細數耆英留彥博不教仙藉羨希夷

陽春欲和慚無筆
頌禱餘情未入詩

宿玻璃泉同高東軒山亭登眺用壁間米元章石刻詩韻

那堪風雨送殘春
小駐湖山共把樽
更上高樓窮遠目
田廬歷歷似江村

風帆無數去仍還
半在驚濤駭浪間
此地峯巒稱最好
幾人停棹一看山

塵世滄桑信可哀
波頭指點舊樓臺
源源不盡長淮水
日傍孤城塔影來

涼侵小院似深秋半月塵勞喜暫休
話到蒼黎多困苦
登山臨水亦生愁

翠壁峻嶒滿綠苔野花爭向小亭開
扶筇漸減躋攀興
得共同心幾次來

老樹婆娑蔭石堆撫摩舊跡重低徊
殘碑斷碣尋將徧
猶步斜陽未肯回

愛山何用買山錢處處相招有石泉
一曲清歌人去後
閒雲仍鎖洞中天

至臨淮口為風雨所阻借宿荒寺望盱眙山亭寄

高東軒仍用前韻

惜春何計可留春
正擬同傾綠酒樽
無奈東風遲短櫂
宵來獨宿水西村

迢迢驛路喜同還
日在長堤樹影間
第一峯頭先我到

白雲深處看青山

米元章題
第一山

陣陣鴻聲向晚哀
飛鳴不斷傍荒臺
前途波浪兼天湧
何事黃昏去又来

眼底韶光近
麥秋河干鹿鹿未曾休
低田連夜遭風雨
望歲心同婦子愁

雨濕顏垣長綠苔
野花閒對寺門開
老僧遊屐知何處
日暮鐘聲喚未來

亂石當階翠作堆
長吟無伴自徘徊
遙山都被雲遮斷
猶向灘頭望幾回

邇來斗米值千錢
買向田家煮活泉
野笋山肴供一飽
憑教枕夢入湖天

去年夏日與鄂純夫錦江作別
今又晤於黃州意
外事也承贈詩二章撫今追昔
不勝離合之感
雨後挑燈次韻兼以留別

道義相期友亦師廿年聚散計心知蓬因斷梗原無定
岫出浮雲任所之赤壁於今埋蔓草竹樓何處問殘碑
重逢此地渾如夢攜手斜陽動遠思

南北東西轍已周何緣借住古黃州快哉有蹟誰同賞

行署西偏有快哉亭舊蹟

老矣無能祇自羞錦水花溪當日淚秦淮

雲樹幾番愁別君又唱驪歌曲記取江城月滿樓

鄂筠亭停舟赤壁下余因過訪得觀東坡遺蹟欲
尋所謂斷岸千尺者竟未之見訪之野老則云赤
壁在武昌西北非其真因坡公有賦故以得名余

爰而不答因思古人為文不過寄托山水以抒其
胸中之蘊原不必過於拘泥謂赤壁在武昌之西
此言近是但石壁因火而赤亦未必然天下事何
假非真亦何真非假皆作如是觀可也因用前韻
再成二章

何處周郎困魏師言尋古蹟少人知君能鼓棹閑遊否
我欲停驂一問之明月清風蘇子賦荒烟野草宋時碑
長江滾滾流今古共把離樽仔細思
酈酒臨江計未周舳艫千里接荊州黃岡難溯東坡事

赤壁空存孟德羞且對清波瞬短句淪因落日起閒愁
武昌西望雲山遠那得同舟過郡樓

起行前一日留別筠亭仍疊前韻

浮沈不必問篙師一棹中流祇自知檻外峯青看未了
江頭浪白欲何之千村佇望隨車雨衆口應同載道碑
別有情懷還脉脉不因岐路重愁思

白髮行將花甲周那堪別淚墮江州作舟有志君何忝
解攬無能我亦羞茅店荒山明夜夢斷雲殘月舊時愁
一樽酒盡人千里可許招攜上小樓

黃岡竹樓和雙旭園寄懷

世味交情孰淺深
浮雲聚散總無心
難忘暮雨初晴日
酒載西園對月斟

花前共作看花人
記得招攜趁早春
一自江干分手後
長途笑我飽風塵

輕船又向楚江浮
赤壁山前暫留欲
和新詩佳興少
斜陽獨上水邊樓

危巖峭壁懶躋攀
風月閒情近總刪
喜得歸途波浪穩
揚帆隨意看青山

和留松喬小樓寄懷

戶外遠峯青洲畔蘆花白秋景與秋光夢迴猶歷歷何
時酒一尊再作樓中客

論交三十載相憐髮盡白雨雪與風霜笑我飽經歷北
窓高卧人應念江頭客

恭和

御製喜雪詩元韻

似絮隨風遠近霑新春好共

湛恩覃瑤階積素花成六

玉殿凝輝晝接三
野外雲封山頓失
枝頭梅綻蕊初含
遙瞻麥隴

宸心喜即景歌吟滿翠函

恭和

御製新春重華宮賜宴元韻

彩映朱燈令節前
許陪駕鷺侍華筵

恩承

玉殿慚今日筆珥

彤墀憶昔年檻外
元音歌湛露田間
積雪勝金錢太平

衮職誰能補勉效賡颺句未妍

轉眼韶光滿上林
鬢髮髣髴愧華簪
爭春樹暖花應早
釀雪風微曉又陰
儆戒無荒欽

寶訓靖共匪懈
勵臣心漫因景物
耽吟賞咫尺
龍顏凜鑒臨

恭和

御製上元後一日小宴廷臣用重華宮元韵
喜侍春風

黼座前又逢撒荔敞瓊筵
韶音迭奏酬佳節

御宴重陪隔幾年
燭蕊交光呈寶塔
瓶花落地散金錢
上林不是身親到
那識蓬瀛景物妍

韶光早遍舊園林
喜起聲中集盞簪
彩映珠燈明殿角
寒留玉屑積墻陰
爭看歌舞乘時令
誰識憂勞在聖心
遙憶江梅開放處
千村佇望翠華臨

恭和

御製咏黃山松元韻

一拳恍見碧峯高
仙樹盤根不可撓

上苑林花添翠靄

瑤階風籟助愉教
孤清只合凝寒雪
古幹何須藉剪刀
珍重移來

香案側如臨巖壑
蘸吟毫

贈忠勇公

聖代資碩輔
靖共佐

廟謀曾聞天下士
盡願識荊州
恨我登龍遲
鬢髮已先秋
憶昔西征日
烽火滿碣樓
銜

命赴軍門
贊襄帷幄
籌一月
奏三捷
單騎降虜酋
蠻山

飛露布瘴嶺宣宏猷迨公歸策勲我又秦中留每咏兼葭詩相思渭水頭昨歲覲

彤廷

扈從陪絳騶今復自南來高情更綢繆仰賴

大造恩感深涕泗流仙班隨步履歸途月如鉤坦白見推誠公忠誰與儔小心何翼翼雅量自休休政務有餘暇典籍復旁搜程材無棄物藥籠肯全收退食屢招攜如登李郭舟東閣足軒敞別院兼清幽倚檻蒼松古繞欄翠竹稠同德與同壽福星

天語褒

堂懸

賜

御賜同德同壽扁額新
聯有天懸福德星句

斜陽看不足

還許秉燭遊虛懷洵若谷博採勤諮諏良言為指南懇
摯靡不周盼睐垂青眼朽鈍藉雕鏤自古賢相志後樂
而先憂進退宜有思所思

恩仰酬願言崇令德功勛垂千秋

和鄂撫軍癸酉試燈夜感懷

與君共作傷春客剩有歌吟興未闌落日相尋仍是伴
新詩強和不成歡燈花滿市人偏懶烟火連宵雪尚寒
處處園林誰更好偷閒擬向月中看

寄懷忠勇公四律

纔從鳴珂罷早朝
驪歌一唱欲魂消
蘆溝水帶離聲苦
渭樹情牽客夢遙
大地春仍饒雨露
紅塵路已隔雲霄
回思太液池邊柳
習習和風拂綠條

武陵有路幾曾諳
處處迷津藉指南
縹緲青山猶入望
縈紆佳境憶同探
堂名畫錦花初放
月上瓊筵酒半酣
漏滴更深還握手
座中白髮笑鬢鬖

慚無力報

主恩深空負綸扉
舊賞音補過桑榆
期努力憐才誘掖

荷推心

重華小宴陪仙侶不夜珠燈映玉岑猶記分題
香案側幾回載筆聽歌吟

名園西望接蓬瀛荏苒荷香枕簟清午夜孜孜惟
國事一心眷眷是蒼生操持不懈脩身志風雨應添憶
舊情倘值公餘得句好還隨魚雁寄邊城

秦隴江南余皆三至新知舊雨聚散無常癸酉春
日一房山齋中感懷口占

惜春屢唱送春詞人似浮雲任所之白下風光常入夢

青門花柳又題詩行來踪跡離還合老去情懷笑亦悲
此日齋前頻把酒明年賓主得知誰

喜遇岳蕉園和席間話舊韻

聚散渾如夢重逢各問年風塵悲遠客寥落嘆遺賢
淚灑燈前酒吟成雨後天相看俱白髮回首憶芳妍

秦關三駐節使院又停車蓬梗隨風轉園花帶雨鋤
苔

荒迷故徑草綠指新渠

舊日池亭多半改移

恰喜詩人至留題滿

壁書

憐君十數載托跡在煙蘿病鶴辭高樹歸鴻失舊窠

聞都

中舊宅
已售

棠陰留漢沔生計老巖阿他日招尋處漁舟挂

綠簑

和蕉園抵青門有作

萬里秦川路年季數往回遙山新雨過落日故人來物
換餘殘柳風寒綻老梅他鄉纔握手又把別離杯

和蕉園積陰排悶

詩社重來踐舊盟停雲霏霏接春城風吹細雨花前落
人唱清歌枕畔成芳徑頻招開咲口金樽共倒任狂醒
晴光留作長途景灞柳新枝夾岸平

和蕉園長安酒肆題壁

千古風流迴出塵低徊往事易傷神且為西府花間客
漫憶長安市上人旅館留題傾濁酒新歌疊唱送殘春
謫仙可是前身否倩指迷途一問津

百花將謝無計留春聞蕉園于小山前置酒招飲
漫成一律仍用排悶韻

海鷗何事遠相盟且把清樽對斗城幾片花飛春樹老
一卷石疊小山成啼鶯未必驚閒夢好句還能解宿酲
記取招尋夕照裏共看靄靄暮雲平

送別蕉園仍用前韻

他年歸計兩心盟
執手殷勤唱渭城
驛路從今人漸遠
荒村何處夢初成
篋中句滿添新思
衣上痕多記舊醒
待得扁舟相訪日
一竿垂向綠波平

疊和蕉園韻兼以送別

天邊倦羽返空林
暫許停征對碧岑
半榻清風孤客夢
三更細雨故鄉心
馬嘶灞水愁斜日
鳥弄驪山送好音
此去春花開未了
長途且莫廢歌吟

老來著作已如林
旅館蕭然寫翠岑

蕉園于旅店中猶耽詩畫
風雅

猶存高士態疎狂未改古人心
鹽車有淚誰回首流水空彈
之賞音此日送君歸故里河
橋折柳一長吟

偶誦蕉園金臺舊詩承贈一律依韻奉和

一曲陽關送別詞皇皇前路復何之
每思故我忘今我因誦新詩憶舊詩
邊塞風寒春色晚沙汀月落雁聲悲
征軺去後相思苦縱有閒情咏向誰

臨行賦別仍用前韻

纔得擎杯唱里詞那堪馬首又東之
山青水碧素中畫花落鶯啼道上詩
廿載知交難作別兩家兒女各銜悲

都門舊雨多寥落欲寄音書更問誰

送蕉園北歸

世事如浮雲勝會原難久千里結絲蘿良緣信非偶憶
昔與君交氣誼親兼友一別動十載天涯重握手話舊
兩心悲相看俱白首正值暮春時天晴新雨後綠草環
階除南山當戶牖灼灼枝頭花青青池邊柳斜日數招
尋春盤雜黃韭古道洽平生相期意更厚為我寫高松
為我畫峻阜雲烟落紙滿獨出無其右興來詩百篇才
雄擅八斗長安市上眠謫仙同不朽

蕉園有長安酒肆題壁之作

我

亦勉效顰自顧忘妍醜挑燈疊唱酬疑義藉分割何期
曲未終又欲風塵走他鄉送客心灞上離亭酒別淚共
沾衣驪歌又在口問君歸故園故園復何有容膝無寸
椽躬耕無百畝天許作閒人優游入林藪鷗鷺好同遊
扁舟尋釣叟烟波落照中西望相思否

辛未仲夏予調任江南諸同事祖餞灞橋依依不
舍今隔二載復蒞關中過都統沈理齋官廨見齋
前疊石成山花陰滿院迴廊曲徑景物一新握手
徘徊者久之舊雨情殷出前歲送別詩見贈撫今

追昔漫和二首

聚散浮雲最可悲，長橋猶憶贈將離。
南山有約偕良友，

勝日誰招過漢陂。

有同遊終南之約，未果予遂行。

別後江頭人易老，重

逢灞上柳初垂。敲詩近亦心情減，出守能無愧一麾。

不緣舊句我心悲，自古消魂是別離。
一去秦淮勞遠夢，幾回渭水踏春陂。
小園石翠環階滿，西府枝紅拂砌垂。
此日花前同把酒，還愁細雨送行麾。

癸酉初夏都將軍招集漫賦

漾漾天上雲聚散，一回首擾擾世上人。
離合隨處有昨

卷四

七

日祖道杯今日對花酒往復歲月馳朱顏成老朽薰風
始南來習習吹楊柳小宴開故園招攜情何厚飲我以
醇醪授我以瓊玖高齋列圖書花竹罨牕牖啼鳥在綠
陰斜日映石阜念茲數卷石遇合良非偶埋之塵埃中

出之補天手體勢擬罔罨未可比培塿

舊有佳石久埋塵土中將軍以

余言出之
疊為假山

萬物有升沈亦似此石不鳴珮散曲欄清談

開咲口踪跡等浮萍歡會恐難久不見關外水日夜東
南走何人非過客去住爭先後花下且高歌興來酌大
斗秉燭尚遲留韶光詎忍負山前小榭成還期偕良友

時於小山前
建亭未就

端陽後一日讌同事諸公於一房山齋即席賦贈
仍用前韻

憶昔江南時西望相思久長安亦三至遭逢洵非偶故
人感離合新知歡握手醉我光風裏不復記石斗歸還
掃我齋佳氣當戶牖樹影蔭莓苔蒼竹出培塿開筵邀
共賞豈為報瓊玖感此饑饉餘欣將書大有我聞去年
秋旱魃虐鵲首官吏日焦心黔黎艱餬口仰荷施濟
恩熙熙歌解阜我來擁節麾自問慚衰朽撫字乏長才

將伯呼僚友雨暘幸時若滋培土膏厚昨日巡郊田路
繞曲江走麥浪已翻風相顧而樂不此樂誰能喻花間
一樽酒醉能同其樂斯言未可負賓主俱陶然席散天
晴後人影亂夕陽黃鸝嘯深柳

和吳崑田學使見贈

愧我曾叨舊講壇昔游回首歲時寬金臺乍識無雙士
玉府羣推第一官藜火光分清夜永河橋吟餞晚春寒
自從別後音塵遠拭目凌風振羽翰

誰共論文一把尊欣逢絳節泣青門冰懸朗鑑千秋業

槎泛星河萬里源玉斧攜時工琢月龍津躍處看騰鯤
遙知報績皇華使玉殿高傳

詔語溫

衰年力薄強支持舊雨難忘是此時十載雲山勞遠夢
三秦夜月和新詞秋深使院餘殘暑樹老流鶯過別枝
却羨鳳凰池上客碧梧正好露華滋

和都統沈理齋閒窓偶感

誰是能兼吏隱名相知脉脉獨關情每耽唱和花前飲
不厭招尋雨後行樹老秋聲偏淅瀝天高月色倍分明

却憐室小如方丈遠道徒傳有化城

牽柳亭非浪得名

理齋新闢小園有牽柳亭

官閒處處有閒情秋光

莫放尋常過夜月還應取次行涼葉飄隨疎雨落黃花
開傍小窓明眼前景物堪同賞緩向離筵唱渭城

偶過居易小齋聽都統胡梅菴彈琴仍用前韻

靜好空留綠綺名閒牕無伴自陶情纔彈落雁粗成調
又疊陽關欲送行焦尾聲希秋意冷冰絃絲斷月輪明
都統悼亡二載相尋還擬聽新曲無奈連朝雨滿城

中秋後和沈理齋十五夜對月

廿年轍跡徧方州
明月秦關幾度秋
溟海槎回疑夢幻
南樓讌集想風流
謝公作賦誰同調
杜老行吟感白頭
欲補新詩酬令節
黃花滿眼又添愁

和高東軒寄懷

離羣無奈寄巴詞
千里蒙君屢和之
山色一房增別意

陝署小齋曰一房山

荷芳滿院索新詩

清江署中有荷芳書院

開函咲語如

相接憶舊行踪復自悲
不是郵箋長往復
此情脉脉更

同誰

舟名不繫豈虛詞
去住無心信所之
明月照人懷友夜

衰年托興感秋詩籬邊淡淡花香晚樹外嚶嚶鳥語悲
試問年來同嘯詠西園亭畔客為誰

和留松喬新秋有懷有序

辛未秋予至京師過訪松喬少宰登含青樓承賦詩見
贈及到江南為繪小樓圖並和詩以寄一時傳為韻事
癸酉九月予在青門松喬寄懷詩云西望望山山欲盡
美人應隔萬山頭讀之撫今追昔益增離索之感因繪
南山秋意圖再寄松喬披斯圖也雁塔曲江暮雲紅樹
歷歷如在目中較小樓圖之蒹葭秋水雲影山光其景

趣又何如也漫步前韻以寫離懷松喬他日登小樓望
遠山展卷懷人當更有以寄我也

寄到新詩正暮秋知君遙望日登樓相思也有魂消處
半在斜陽渭水頭

老馬寧云識舊途風吹病骨未全蘇

子自前歲病後尚未復元閒時

不減歌吟興白髮空憐一腐儒

天外行雲時聚散江邊野鳥自沈浮舊來好事難回首
落葉黃花又感秋

和張蓼川少廷尉見贈

文章自昔仰名流校士餘閒共泳游勝蹟應還推雁塔
曲江可許似杭州吟風愧未酬新句苦雨知同切隱憂
節過重陽聊聚首小山亭畔一擎甌

和盧端臣編修見贈

風流端不讓前賢永叔文章譽望專多士爭叨新拂拭
巖疆我愧久旬宣却宜把酒同今夕何必論交是昔年
佇看星輅還

帝里夜深歸院賜金蓮

和張蓼川盧端臣遊雁塔曲江唱酬韻

城南古塔記曾登此日欣聞拾級升
野菊初開黃數點
遙山競聳翠千層
苔封斷碣餘唐搨
樹隱荒坡見杜陵
偏我勞形辜雅會
銜杯愧未共良朋

執手離亭集百憂
相思竟日與神謀
去時貌已留圖畫
別後詩還付置郵
古渡誰同吟灞水
寒更何處夢遶樓
秋風太華山前路
策杖相從帳末由

和吳崑田學使遊雁塔韻

古塔高臨南斗城
欣聞嘉會集羣英

時張蓀川盧端
臣二典試同遊晴

原惟見新禾黍斷碣猶遺舊
姓名立馬橋邊紅樹近
欸

扉雲外野僧迎，懸知絕頂留題處。無限嵐光照眼清。
石渠曾共校書來，使節秦關忝復陪。佳句時還貽我讀，
好懷幾度為君開。纔添落月相思夢，時方送張廬二典試旋京又把
離筵送別杯。安得風流長接席，儘教化雨潤芳荄。

疊前韻

層層塔影照秦城，幾代殘碑列俊英。何必深秋同雅會，
久知古跡半虛名。有無白雁霜前至，多少黃花雨後迎。
却羨歸鞍齊唱咏，傳來好句晚風清。

勝地寧嫌數往來

余三至秦中

偏余意懶未追陪。風催落木

秋容老雲淨遙峯霽色開何處光陰非過客隨時花月
足銜杯曲江若問當年事汀畔勻勻碧草萋

和張蒸川途中阻雨宿臥月菴見寄

灞水橋邊竟夕留新詩又見寄星郵聞君况瘁行偏緩
惹我高吟興未休待渡誰同棲野寺計程何日過黃流
雄關自古稱天險可更停驂得句不

重過古城臧氏老人小園有感

林園數畝昔曾過白髮重逢意若何三徑春風隨杖履
百年幽趣老巖阿

滿院疊石為山竹樹環繞

絕無鳥語驚閒夢時有

鴻飛渡小河片刻停驂吟興少却因感舊一長歌

河干話舊用青門感懷韻賦贈白毓峯

喜得逢君唱里詞西園賓主又何之

舊贈詩有林園有主分新舊草木無

情自感哀句

春風細雨樽前酒渭水燕雲別後詩兩地情懷

常入夢廿年心緒各銜悲幾番話舊難回首白髮相知更有誰

余二十年来悼亡者三冷雨淒風時時入夢偶讀

白毓峯感懷之作黯然神傷因依原韻代賦二首

老年怕賦感懷詩旅館長吟更可悲對酒誰同開笑口

傷春無計展愁眉。花殘暮雨添新淚。月暗孤燈冷舊幃。
臨別遺言猶在耳。不堪回首一尋思。

清淮官舍路曾諳。舊地重遊一駐驂。遠夢有時還冀北。
孤魂何處望江南。劇憐別後憂兼喜。翻羨從前苦亦甘。
近被

恩榮君見否。九泉有笑只空含。

和岳蕉園都門寄懷

驪歌一曲唱函關。兩地情懷枕夢間。雁影時遮素浦月。
鶯聲如送故園山。長途樞馬空慚老。罷釣漁翁轉覺閒。

蕉園寄詩有知否
漁舟都賣却之句

寄得新詩無限意
默然不語淚潺湲

蓬門無事可長關
聚散浮雲一瞬間
詩社誰同聯舊雨
秦城記共咏南山
別來漸覺心情減
老去難逢笑語閒
此日思君遙望處
月明野水正潺湲

莊容可中丞舟過袁浦小集荷芳書院賦詩見贈
即和元韻

望山亭畔記登舟
兩載重逢綠水頭
念舊還為吟好句
停杯可許借前籌
心關鴻雁頻搔首
浪隱桃花未解憂
剩有方池宜落日
相隨片刻共夷猶

再和容可返吳門後見寄之作

袁浦重過小駐驂芳園為掃徑三三當窓樹老經春雨
隔岸花開映碧潭白下聯吟成舊夢西山有約付空談
有遊支硎之約未果揚帆一去人千里喜得新詩寄滿函

甲戌孟夏六十初度歸愚少宗伯賦詩寄祝予奔
走河干久荒筆墨勉酬來韻并寫離思

愛護名材仰大鈞歸田許度百年春每因感舊詩頻寄
誰共看花酒數巡鶴髮曾為香案吏
御賜詩有五
皇案吏今烟客句
北窓今是葛天民江湖莫忘先憂意

丹陛時時念老臣

似結前緣在此邦年來底事夢吳江
溯洄有志人偏遠風雅多才我欲降
渺渺烟波難問渡星星鬢髮愧持幢
誰如家近湖邊好一棹輕船泛碧瀧

老友關心苦憶儂杖藜深羨氣猶龍
春風夜雨敲新句野寺寒山聽晚鐘
千里情懷同脉脉幾年雲樹隔重重
江臯蘭佩知多少每見孤花想舊容

幾回翹首望南天物外閒情屬散仙
綠柳鶯啼思雅會

虛舟月落想當年

三年前曾過金陵使署咏不繫舟

韶華易邁空添齒

老大徒悲懶佩弦何日揚帆還過我長吟一曲醉芳筵
袁子才過訪留宿荷芳書院吟咏累日臨行用莊
容可韻口占贈別

荷芳園畔偶停驂攜手同遊至再三草閣還疑新畫舫

金陵署中有不繫舟子才曾為作賦

清池可以似小江潭老來興趣拈花咲

醉後情懷待月談留得詩篇無別意思君時節一開函

和袁子才荷芳書院即事韵兼以送別

敢云景物似平泉聊趁公餘坐晚烟千里人過袁浦畔
一聲歌到綠楊邊青燈夜雨添新夢畫舫秦淮感昔年

莫謂邇來清興減，偷閒同醉落花前。

曾寄山房字幾行，重遊舊地感荷芳。
花殘豈盡因春雨，樹老仍宜傍短牆。
把酒恰逢新漲滿，開窓共納晚風涼。
林園賓主知誰是，一片蛙聲送夕陽。

半窓斜月透疎櫺，草滿階除竹滿庭。
老去一身隨處好，

年來隻眼為誰青。
琴彈古調原難賞，詩帶離聲反怕聽。

怪底野心留不住，小桃源內有山亭。

子才山居
名小桃源

臨歧攀折路旁枝，手蹟還留去後思。
黃鳥鳴時添別恨，牡丹開罷計歸期。
孤帆短笛隨風遠，落日閒雲出岫遲。

燕然村居耽嘯咏可能頻寄課農詩

余自青門調任南河鐘聞軒賦詩送別行色匆匆
未遑屬和偶於桃源道中檢閱舊作不勝雲山間
阻之感因和前韻寄懷

別來又度一回春誰說天涯若比鄰河上清風新使節
鏡中白髮舊邊臣看花猶憶同聯句伐木難求是輔仁
近日行踪君識否塵沙處處遶征輪

夕陽亭畔記遲留把酒相招悵末由雁塔風光勞遠夢
淮陰雲樹惹閒愁巨川誰與同舟濟遠塞休忘借箸籌

遙望終南山正好飛泉斜抱碧峯流

金陵富都統維舟過訪書舊日寄懷詩留贈和韻

送別

思君魂夢幾曾安握手翻教意黯然小閣筵開攜舊友
西園梅放說當年數行別淚清江雨一片歸帆落照天
白下相知應憶我為言老更不如前

予於己酉歲曾遊雲龍山留詩石畔今二十六年
矣重來河上屢過彭城祇以車馬勞忙未獲再尋
幽境秋日讀富立齋登放鶴亭詩慨然有感漫和

一首

每思往事一低徊恍似行雲自去來勝蹟無心曾過訪
名山到眼又空回亭邊覽眺傳新咏石上留題剩綠苔
漫笑年衰清興減征軺處處夕陽催

和岳蕉園殘臘寄懷

北窓竟日賦閒居半榻清風午夢餘千里關山人不見
雙魚又寄隔年書

開到梅花歲已殘疎枝老去耐春寒幾經朔雪香應減
誰伴幽人倚舊欄

階前綠萼一株雪後遲開

平湖雨後漲新潮
佇看垂楊映畫橋
漫說衡門偏冷落
東風也拂小蠻腰

又和蕉園寄酬

寄得詩來歲又新
開緘吟向綠楊津
黃梁未醒盧生夢
白髮空憐范叔貧
苦憶殘書如舊友
時索寄存書籍誰知斷梗
等勞薪
思君恰似逢君處
江上青松雪裏筠

余四至金陵欣逢舊好盤桓未久又唱驅歌次日
京口登舟回望鍾山不勝暮雲之感因用鄂虛亭
舊韻口占二律寄懷錫將軍暨都統諸公

別來一日似三秋
白下重經恍夢遊
徑掃西園纔握手
潮平野岸又迴舟
離情猶憶挑燈話
邊計難忘借箸籌

錫公曾駐北邊
深悉夷情

賦得新詩遙寄與
再將鴻爪此閒留

手栽竹樹幾經秋
已向秦淮四度遊
白雪歌殘曾把盞
紅蓮香繞記登舟
感衰竊喜同雙鬢
較射終慚遜一籌
待渡寒江斜照裡
依依回首尚遲留

余至石城袁子才尚在病中未得一晤
歸途舟中寄懷仍用前韻

老來景況近深秋
廿載流光感昔遊
到處偏難尋舊雨

隨風仍似泛虛舟閒敲短句酬詩債記折新花作酒籌
獨有清涼山外路於今枕夢尚勾留

衡門幾度好春秋十畝林園足覽遊旌節重來登畫舫
桃源何處問漁舟子才居小桃源憐君有病踈吟咏愧我無長
拙運籌那得扶筇閒過訪亂峯亭畔一題留

和富都統送別

帆飛袁浦君還日雪滿江城我到時聚散原知都是幻
家山却恐未忘私殘更斷續離筵酒古調淒涼舊友詩
誰識亭空人去後梅花開到幾多枝

聊將濁酒消今夕
湯問重過又幾時
忙裏風塵惟我慣
閒中歲月讓君私
寒江入夢宵來枕
暮雨懷人別後詩
待得銜杯親笑語
春光應滿綠楊枝

上元節前予自清江赴金陵制府之任錢希裴副
使賦詩送別依韻奉酬

自古行雲時聚散
漫教惜別淚滂沱
江頭又泛新青雀
白下重迎舊玉珂
節近欣逢晴日好
帆開恰趁晚風和
那堪欲去還攜手
聽唱河橋一曲歌

石城屈指幾番遊
不繫舟邊又繫舟
隔岸湖光忙裏過

橫江雁影望中收
春來柳欲舒
青眼雪後山同感
白頭回首清淮無限意
斜陽淡淡暮雲浮

雙符並綰報排衙
南北馳驅屢建牙
草帶寒霜餘舊種
梅如過客落殘花
曾聯短句風生筆
記醉西窓月映紗
壯不如人今更老
年來何事尚堪誇

全憑益友切觀摩
桑扈承

恩咏畢羅花柳情懷別後少
雲山悵快老來多
難逢知己人偏遠
怕遇迷津路又訛
萬里前途須努力
莫同駕馬慣蹉跎

余將赴金陵得袁子才山中寄懷詩依韵和之

廿年四度到江城江草江花屢送迎
白下爭看新使節青山仍伴舊書生
梅因耐雪香逾晚雁為凌空影自橫
野外清閒無底事行雲來去尚關情

瑤琴獨抱向誰彈僻處荒村夢亦安
膝下晨昏方日永

閒中嘯傲覺春寬

來札有山中歲月膝下晨昏之句

隨風笑我舟無定

卧雪憐君骨尚寒欲問年來身健否
幾回北望整征鞍

疊前韻

輕帆猶記過淮城徑掃西園倒屣迎
黃鳥聲嬌啼暮雨

海棠花艷醉門生隨風歸岫雲難返

淮上留別詩有雲是還山見更遲句

對月懷人榻尚橫留得新詩東壁滿吟哦字字有餘情

光陰彈指不勝彈陶令歸來膝易安抱病雖傳吟興減

看花可厭酒杯寬亭臨竹徑春風早水近書窓夜月寒

莫把黃金買遠別又教客淚墮征鞍

子才前任西安有黃金買離別句

暮春雨後過錫將軍署內小園緋桃盛開爛熳如

錦此地前後尋春屈指已九度矣主賓幾易歲月

迭更把酒對花悵然有感

絕無好句答吟箋愧負名園景物妍嫩柳青搖芳草徑

天桃紅遍夕陽天
人逢雅會偏增感
花到殘春最可憐
幾處鶯啼聲未了
更同徐步小山前

灼灼新紅映彩箋
四圍繡野鬪芳妍
惜春聊罄一尊酒
話舊休辜三月天
洲景難偕良友賞
嬌花豈屑老人憐
拈吟欲向東風問
今度劉郎可似前

偶過小桃源和袁子才賦贈

數頃梅花數畝田
結廬恰傍碧山邊
不因小憩尋前路
誰信仙源別有天
立馬驚飛樓樹鳥
穿林惹散隔溪烟
依稀遊屐曾過處
回首風塵廿七年

環池結構細商量
花滿閒階書滿床
暫倚危闌看野色
紛排畫戟對巖光
亭高只覺千峯小
水近能教六月涼
誰似林泉多暇日
芒鞋竹杖總安康

疊前韻

愛向溪山買薄田
騷人住老白雲邊
高樓獨上更深月
小艇輕搖雨後天
時為花開穿竹徑
偶因客至颺茶烟
瀛洲得似幽棲否
話對南牕感昔年

漫把浮沈再較量
芙蓉深處設匡床
捲簾風細迎朝爽
把酒杯寬映水光
老樹千株憑錯落
名山一角占清涼

須知膝下晨昏好，搦管還為祝永康。

子才時告終養

送崇邱內姪歸皖江即用遊小桃源韻

流水潺湲遍野田，送君遠至大江邊。
歸舟將泛新秋月，別酒重傾暮雨天。
難得三旬同笑語，那堪千里隔雲烟。
趨庭白髮如相問，為說情懷異昔年。

閒將往事細評量，風雨西園共短床。
每聽鶯啼回午夢，頻驚花落惜韶光。
長江此去新添句，草樹誰同晚納涼。
遠盼征帆消息好，尺書一路報平康。